

甘露歌〔一〕

折得一枝香在手，人間應未有。疑是經春雪未消，今日是何朝？盡日含毫難比興，都無色可並。萬里晴天何處來，真是屑瓊瑰。天寒日暮山谷裏，的皪愁成水〔二〕。地上漸多枝上稀，唯有故人知。

歌曲

桂枝香

登臨送目。正故國晚秋，天氣初肅。千里澄江似練，翠峰如簇。歸帆去棹殘陽裏，背西風、酒旗斜矗。彩舟雲淡，星河鷺起，畫圖難足。念往昔、繁華競逐。歎門外樓頭，悲恨相續。千古憑高，對此謾嗟榮辱。六朝舊事隨流水，但寒烟、芳草凝綠。至今商女，時時猶歌〔三〕，後庭

〔一〕此詩梅苑、樂府雅詞錄作詞，花草粹編、歷代詩餘分爲三闋，全宋詞從之。

〔二〕「的皪」，龍舒本作「磔」。

〔三〕「歌」，全宋詞據樂府雅詞校改作「唱」。

遺曲。

### 菩薩蠻

數家茅屋閑臨水，單衫短帽垂楊裏<sup>(一)</sup>。今日是何朝？看予度石橋。  
醒來晚。何物最關情，黃鸝三兩聲<sup>(二)</sup>。稍稍新月偃，午醉

### 漁家傲二首

燈火已收正月半，山南山北花撩亂。聞說洊亭新水漫。騎款段，穿雲入鳥尋游伴<sup>(一)</sup>。却  
拂僧牀褰素幔，千巖萬壑春風暖<sup>(四)</sup>。一弄松聲悲急管<sup>(五)</sup>。吹夢斷<sup>(三)</sup>，西看窗日猶嫌短。

- 〔一〕單，龍舒本作「輕」。  
〔二〕三，龍舒本作「一」。  
〔三〕鳥，龍舒本作「島」，全宋詞據樂府雅詞校改作「塢」。「游」，龍舒本作「幽」。  
〔四〕暖，龍舒本作「滿」。  
〔五〕一，光啓堂本、聽香館本作「播」。  
〔六〕吹，龍舒本作「驚」。